

Valero a perde placa den prome seis luna di operacion

ORANJESTAD – Refineria Valero na Aruba no tabatin ganashi den e prome 6 lunanan di e anja aki. Mientras cu nan no ta confirma si cu e cifra cu nan lo a perde ta riba 100 milyon dollar den e prome dos cuartaln di e anja aki, nan ta confirma si, cu no tabatin ganashi segun e vocero William Day di e refineria. “Nos no ta specifica cifranan specifico di ganashi of perdida pa refinerianan individual, ehecutivonan di Valero a confirma publicamente cu nan no a gana placa den e prome dos cuartaln” Day a sigui bisa BONDIA ARUBA.

Informacion cu BONDIA ARUBA a ricibi ta cu lo tabatin perdida di 100 milyon dollar na entrada. Segun Day, berdad cu no tabatin ganashi y esei ta debi na motibonan netamente operacional cu a surgi despues cu nan a haci nan startup anja pasa. “Algun tempo despues di e startup, e refineria mester a shut down atrobe despues cu

un tanki di awa a colapse” Day ta recorda BONDIA ARUBA. Esei a afecta e eficiencia di e refineria segun Day.

Si e asunto operacional ey no tabata un factor, e refineria lo por tabata den un posicion pa tin ganashi, debi na e condicionan economico, Day ta sigui bisa. Nan ta spera cu e asuntonan operacional a keda resolvi y cu e refineria awor por sigui opera di un forma save, confiabel, eficiente y cu ganashi.

Tambe Day a confirma mes momento finalmente ayera cu e refineria na Aruba ta continua subasta WEB cu fuel oil y cu no tabatin ningun interrupcion di esaki, contrario na informacion cu a wordo suministra recientemente den cierto medionan di comunicacion. Siman pasa Day a atende e asunto aki pero mester a haya un confirmacion mas, cual confirmacion a drenta ayera. Pues ningun momento WEB a stop di haya fuel oil for di e



refineria segun Day.

Tabata siman pasa cu BONDIA ARUBA a raporta riba e asunto aki unda cu a mustra cu ningun momento Valero tin problema cu WEB pa cual nan lo mester a stop di suministra e compania cu fuel oil. E ta un noticia cu no ta corecto

segun e vocero Bill Day a confirma na BONDIA ARUBA. Asina e ta desmenti un noticia cu a keda publica den un medio cu tabata indica lo contrario. Un posible disputa entre WEB y Valero lo a resulta den e hecho cu no tin fuel oil entre WEB y Valero. Algo cu

segun Day, no ta berdad. Peor ta ayera numa e confirmacion completo a bin. “Tur cos ta ‘business as usual’ entre WEB y e refineria” Day a sigura BONDIA ARUBA. Como tal no tin ningun asunto di tension entre WEB y Valero manera cu a keda indica erroneamente. □